

明紅絲
欄鈔本

百

家

詞



茗溪詞目錄

洞仙歌

夜行船

念奴嬌

踏莎行

虞美人

江城子

臨江仙二

雪月交光

望海潮

醉蓬萊

望明河

驀山溪

生查子

清平樂

青玉案

夢橫塘

西河

眼兒媚

水調歌頭二

鷓鴣天

木蘭花

浣溪沙

點絳脣

臨江仙

驀山溪

念奴嬌

柳稍青

鵲橋仙

浣溪沙

點絳脣

望海潮

青玉案

喜遷鶯



踏莎行

浣溪沙

茗溪詞目錄畢

茗溪詞

歸安劉一止

行簡

洞仙歌

細風輕霧鑠山城清曉冷藥疎枝爲誰好對斜橋孤
驛流水濺濺無限意清影徘徊自照何郎空立馬
惱亂餘香綺思憑花更娟妙腸斷處天涯路遠音稀
行人怨角聲吹老歎客裡經春又三季向月地雲堦
負伊多少

夜行船

十頃疎梅開白就折芳條嫩香滿袖今度何郎樽前
疑恠花共那人俱瘦測測輕寒吹散酒高城近怕
聽更漏可惜溪橋月明風露長是在歸後

念奴嬌

和魯宏父九日見貽

江邊故國望南雲縹緲連山修木遠憶淵明束帶見
鄉里兒曹何辱世味醺人折腰從事俛仰何時足可
憐菊下醉吟誰共徵逐我愛九日佳名飄然歸思
想當年丘谷夢繞籬邊猶春戀滿把樽餘馥援筆
洪都如君英妙滿座方傾屬月臺揮袖抖雲聲斷橫
玉

又

故山秋晚歎蕭蕭華髮霜林同色崖谷題詩追舊賞
往往蒼苔綠壁二士權奇一翁衰病努力攀筇展佛
香吹過了知境是空寂別後風月佳時柱頤何事
想東林遙碧小砑蠻牋驚秀句天巧何曾雕刻倚馬
雄才凌雲逸氣路覺丹青直三千牘就看君歸奏文

石

又 和陳元載中秋小集

燕臺暮集對秋容，淒緊松陰幕幕徒倚欄。
邊臨翠壑千頃風烟橫，出坐待冰輪。
天空雲散一色如蒼壁，姮娥有意爲誰來。
赴今夕身世如許飄流，佳時輕過了。
他年空憶我輩情鍾，端未媿昔日蘭亭陳迹。
坐上何人驪歌淒斷語，別還應惜有心紅燭。
替人珠淚頻滴。

又 中秋後一夕泊舟城外

水烟收盡望河嶺，千頃銀光如幕。
霜鏡無痕，清夜久，唯有驚魚躍。
出月在杯中，我疑天賜歡飲，仍如壁姮。

娥應爲後期償賽今夕
遙想當日同盟山齋孤諷
有新詩相憶聚散難常空帳望萍梗飄流蹤迹明日
明年此身此夜知與誰同惜參橫河側短蓬清露時
滴

踏莎行 遊鳳凰臺

二水中分三山半落風雲氣象通寥廓少年懷古有
新詩清愁不是傷春客
六代豪華一時燕樂從教
雨打風吹却與君携酒近闌干月明滿地天無幕

虞美人 族兄元言赴召

浪花雪月交加舞身近青冥路天知此客解騎鯨今
夜一江明月送行
從今直上鼇峯去應記經行處
莫將險語亂江聲却怕月中高彩虹驚

江城子

王元渤舍人將赴吉州因以戲之

秋香岩下着樽罍小徘徊莫停盃來歲花時相兩悠
哉看取修眉紫度曲真箇淚界香腮 船頭繫鼓片
帆開晚風催肯應回景物撩人詩思不勝裁會有江
山淒惋句憑過鴈寄懷來

臨江仙

餞別王景濂赴臨江軍

柳外雙旌斜日照忽忽去意難留大江傍畔老諸候
舉觴仍氣槩覓句更風流 遲暮不堪容易別溪聲
爲寫離愁自從今日轉船頭他時扶杖叟獨立向滄
洲

又

和王元渤韻

落日西風原上好笛聲誰奏伊涼緩尋山徑掇幽芳

平生真自許江海老潛郎
最愛杯中綠蟻鬧鵝兒
破殼嬌黃使君醉裡是家鄉
更追修禊帖一詠一傳觴

雪月交光

正五雲飛杖縞縞織裳亂空交舞拂石歸來向王堦
微步欲喚冰娥暫憑風使爲掃氛驅霧漸見停輪人
間未識高空真似千里無塵地連天向倦客西來
路迷江樹故國烟深想溪橋何處雲鬢分行翠眉縈
曲對夜寒樽俎清影徘徊端應坐有風流能賦

望海潮

垂楊深苑啼鶯清晝東風細繞簷牙野色亂春嬌雲
捧日燕翻蝶舞交加溫詔下天涯早畫船飛檣疊鼓

鳴撾共挽旌幢緩留絲竹醉韶華
江都自古豪誇
正迷樓墮絮月觀吹花玉宸眷金甌望重何人暗草
黃麻歸路接堤沙宴上林風月紫闕烟霞鳳檢飛來
便將春色到朝家

醉蓬萊

秀城元夕

正官橋柳潤候館梅開暮雲淒冽澤國春歸是燒燈
時節吹綻紅蕖挽低星斗共水光澄徹雙瓦樓臺參
差侶與蓬壺相接
千騎遨遊萬家嬉笑簾捲東風
弄粧成列慢舞樽前看輕盈回雪來歲今宵舜韶聲
裡對六鰲雙闕鳳檢飛來玉驄去踏青門華月

望明河

贈路侍郎使高麗

華旌耀日報天上使星

初辭金闕許國精忠試此

日傳岩濟川舟楫向來鷄林外况傳詠篇章雄絕問
人地真是唐朝第一味論勲業鯨波霽雲千疊望
仙馭縹緲神仙明滅萬里勤勞也等是壯年繡衣持
節丈夫功名事未肯向樽前傷輕別看飛棹歸侍宸
遊宴賞太平風月

驀山溪

葉左丞生日

卿雲衍苒翠壁天開就移下小方壺照初日嘉林濯
秀君恩暫許立壑憇變龍開徑竹續岩花小試丹青
手聲名德業漢代誰居右紅稀碧油幢想今古山
中未有霜松手種應待茯苓生齋釀熟玉泉香還上
萱堂壽

生查子

城頭長短更水調高低唱別酒不盈斟淚洒風烟上
明年二月時更向城陰望只有舊歌亂傳作風流
樣

清平樂

相望吳楚遠信無憑據欲倩春風吹淚去化作愁雲
恨雨春應已到三吳楚江日夜東徂唯有沂流魚
上不知尺素來無

清玉案

小山遮斷藍橋路恨短夢難飛去長記修眉索曲度
約花開檻映風招袖總是憐渠處追歡我已傷遲
暮猶有多情舊時句極目高樓千尺許竹枝三唱爲
君淒斷東日西邊雨

夢橫塘

浪痕經雨。鬢影吹寒曉。來無限。蕭瑟野色分橋剪。不
斷溪山風物。船繫朱藤路。迷烟寺。遠鷗浮沒。聽疎鍾
斷鼓。似近還遙。驚心事。傷羈客。新醕旋壓鵝黃拚。
清愁在眼。酒病紫骨綉。悶嬌慵。爭鮮說。短封傳憶念。
誰伴塗牀。館髻嚼藥。吹花弄秋色。恨對南雲。此時淒
斷。有何人。知得。

西河

山驛晚行人。乍停征轡。白沙翠竹。鑠柴門。亂峯相倚。
一番急雨洗天。爲掃雲風定。還起斷崖樹。愁無際。念
淒斷。誰與寄。雙魚尺素。難委遙知。洞戶隔烟窓。簾橫
秋水。淡花明玉。不勝寒。綠樽初試。冰蟻小歡。細酌任。

敬醉撲流螢應卜心事誰記天涯憔悴對今霄皓月
明河千里夢越空城疎烟裡

眼兒媚

度歲今年雨看承誰信有輕分從前穩過如今方悔
不會溫存眼前無限紅行地何處不銷魂多應爲
你不看風月睡過黃昏

水調歌頭

和李泰發尚書泊舟嚴陵

千古嚴陵瀨清夜月荒涼水明沙淨波面一葉弄孤
光北望旄頭天際殺氣遙昏楚甸雲樹失青蒼愁絕
未歸客衰髮點吳霜聽江邊鳴寶瑟想英皇騎鯨
仙裔高韻清絕勝風篁醉入無何境界却笑昔人底
事遠幕白雲鄉不見咸陽道烟草茂陵荒

又

縹緲清溪畔山翠欲黏天縱雲臺上攬風招月自何
年新舊今逢二妙人地一時清絕高並兩峯寒歌在
烟霏外人在去留間著方床容老子醉時眠一搏
相屬高會何意此時圓况是古今難遇人月花竹俱
妙曾見句中傳不向今霄醉忍負四嬋娟

鷓鴣天

岩下秋陰引興長坐中初識令君香攬將風月歸詩
藪乞得溪山作醉鄉憐我老與傳觴吳霜點髮又
何妨只應銀燭交相夜羞對雙歌髮彩光

木蘭花

餞別王元渤赴吉州

桂香臺上秋風嫋鴨綠溪前離思渺一卮芳醕細深

傾聽盡陽關須醉倒
政成早晚傳溫詔莫戀江城
歌吹繞明年身到鳳池邊重看春波生故沼

浣溪沙

午夜明蟾冷浸溪姮娥應有碎寒犀
挂岩仍在曲闌西
擷藥攀條情未已經丘尋壑想招携
不應癡馬惜鄣泥

點絳脣

洞戶香凝宴開特地風烟好靚粧娟妙
玉雪尤相照
認是桃源綠水紅雪繞真曾到漾舟人
老應被桃花笑

又

雲鬢分行照人明艷新妝就御香窓牖細酌鵝
酒

鐵撥鵲絃一試春風手龍仙奏絳霄聲透不許人間有

臨江仙

臺上風光濃欲滴傍闌芳桂陰成亂山相對長官清
琢詩能句好舉酒見心傾團扇不應秋後棄幾年
仁惠風行渭城柳色若爲情一樽松竹底三唱和秋
聲

驀山溪

王家人地奕奕爭高秀金紫照青春想當日烏衣巷
口聲名氣槩今見兩朱轡詩侶錦酒如澠屬意風光
厚釀泉石壁未減南陵壽清興與誰同探梅萼溪
橋驛候東風御柳應訪此韓相歸步穩